

Società da Chatschaders Sarsura

Protocol

Radunanza da prümavaira dals 29 avrigl 2026 / 20:00h, a Zernez, Hotel Restaurant Uors.

Davo avoir salüda als preschaints ingrazcha nos president a la famiglia Patschaider Emmenegger per avoir miss a disposiziun la località. Davo seguan las formalitats:

Preschaints: 33 commembers
S-chüsats: differents

Noldi constata, cha la radunanza es gnüda banida a temp ütil. A la glista da tractandas nu sun entradas ingünas objecziuns. Uschè cha tala es gnüda approvada e la radunanza das-cha proseguir.

Tractandas:

1. Tscherna da scrutinadurs

Causa cha la sala es survisibla propuona il president da eleger be ün scrutinadur. Noldi fa la proposta per Fritz Schorta. El vain elet unanimamaing.

2. Prelecziun ed approvaziun dal protocol da l'ultima radunanza

Il protocol da la radunanza generala dals 05.02.2026 a Zernez, Hotel a la Staziun es stat publichà sün la pagina dad internet da la società. Ün commember renda attent, cha suot il tractandum 7 saja scrit, cha'ls commembers libers han da pajar CHF 35.00 contribuziun annuala. Pero güst saja CHF 25.00. Cha l'actuar haja scrit güst, precis tenor la preschentaziun da quella saira. Il protocol vain seguond remarcha corret. Davo es el gnü aprovà.

3. Approvar il quint dal chaschier ed il rapport e la proposta dals revisurs

Nos chaschier Guolf preschainta il quint 2025 e da amo spiegaziuns detagliadas sur da tal. Tenor il quint vaina gnü entradas da CHF 56'102.71. Da l'otra vart stan sortidas da CHF 51'099.60. Uschea chi resultescha ün guadogn da CHF 5003.11. Las amortisaziuns importan CHF 10'000.00. La fin da l'on 2025 ha la società üna facultà da CHF 202'628.69.

In seguit a la preschentaziun da Guolf surpiglia il revisur Renè Christoffel il pled. El declera, cha Fadri Schorta ed el sun gnüts insembel ed han controllà la contabilità da la società. A man da la controlla es il quint manà fich bain usche cha'l bilantsch e'l randaquint cunfan cun la contabilità. Davo prelegia Renè il rapport dals revisurs da quint e propuona güsta a la radunanza d'acceptar il quint e da dar discharg als organs respunsabels. La radunanza segua a la proposta dals revisurs e vain acceptada unanimamaing.

4. Approvar il preventiv 2026

Il chaschier Guolf surpiglia darcheu il pled. El renda attent, cha'l preventiv 2026 vain fat tenor il quint 2025. Uschea fa il chaschier quint cun entradas da raduond CHF 50'000.00 e sortidas da CHF 45'000 cun amortisaziuns da CHF 5'000.00 uschè chi resulta ün guadogn da ca. CHF 4'000.00.

Il preventiv 2026 vain acceptà da la radunanza sainza cuntravuschs.

5. Propostas da las societats a man da la delegada

Pro quist tractandum manzuna Noldi, cha proseguin tenor la publicaziun da las tractandas aint la gazettina da chatschaders. Cun quai inchaminescha il president als seguaints tractandums:

5.1 Fixar las contribuziuns pels commembers e l'abunamaint per la gazettina da chatschaders (5)

Noldi da suot quist tractandum las infuormaziun, ch'el ha survgni a la radunanza da presidents inavant als preschaints. L'augmuint importa CHF 15.00 per persuna. Cur cha Noldi ha dat liber la discussiun nu s'han annunzchats ingüns commembers a pled. La radunanza sustegna la proposta e fa bun tala sainza cuntravuschs.

5.2 Tour cugnuschentscha dal budget da l'on curaint (6)

Quist tractandum vain fat bun sainza discussiuns e cuntravuschs.

5.3 Approvaziun preventiv pel secretariat 2027 (7)

Eir quista proposta vain acceptada da la radunanza unanimamaing.

5.4 Approvaziun rapport annual (8)

Co la tractanda avant vain eir quista fatschenda fatta bun.

5.5 Proposta d'ürada da chatsch'ota 2027 (9.1)

Las duos variantas per l'on da chatsch'ota 2027 sun publicadas seguaintamaing:

Prüma varianta düress la chatsch'ota dals 01.09.2027 - 12.09.2027 e dals 20.09.2027 - 28.09.2027.

La seguonda varianta prevezza da cumanzar als 03.09.2027 – 12.09.2027 e dals 20.09.2027 – 30.09.2027.

La radunanza decida cun gronda majorità per la seguonda varianta.

5.6 Oblig da muossar las bes-chas (9.2)

La radunanza sbütta quista proposta unanim.

5.7 Approvaziuns protocols/rendaquints/tschernas (tractandas 2, 3, 4, 8, 10, 11)

Quia decida la radunanza da far bun ils protocols e rendaquints e inavant da sustegner ils candidats officials chi's mettan a disposiziun.

6 Eleger ils delegats per la radunanza da l'UGCP

Quist on ha lö la delegada a Disentis / Mustér. Our dal ravuogl da la radunanza s'ha be il president miss a disposiziun per tour part a la delegada:

Schi vess da dar amo l'ün o l'oter intéressent dissan quels s'annunzchar pro'l president.

7 Admissiun da commembers nouvs

Noldi da cuntschaint, cha pel mumaint nun s'han annunzchats ingünas personas per entrar in società. Pro'ls candidats daja unic üna persuna.

Commembers A:

- ingüns

Commembers B:

- ingüns

Sortidas:

- ingüns

Candidats:

Lohse Kim-Morgaine

8. Dumonda da credit CHF 13'000.00 per mantegniment schabgias 100m

Noldi surdà il pled per quist tractandum al schef da material Marco. Marco declera, cha vi da l'implant da 100 m stuvesan gnir manadas tras lavurs da mantegniment ed eir renovaziuns. Per spagnar raps (ils cuosts da pernotaziun e viadis sun ots) propuona Marco da far quistas lavurs be in duos etappas. Ils preschaints d'eira cun quista proposta perinclets ed han fat bun la proposta cun unanimità.

9. Program da lavur 2026 (chüra + Arduond)

Causa cha Adrian Schorta s'ha s-chüsà preschainta Noldi il program da lavur 2026. Las prümas lavurs sun fingià gnüdas evasas al principi dad avrigl disch Noldi. Inavant disch el, cha pervi dal terrain chi d'eira amo dschet, han stuvü gnir lavurs spostadas. Inavant loda el la collavuraziun insembel culs pes-chaders. Il plan da lavur vain tramiss plü tard obain publichà sün la pagina dad internet.

10. Program da tir 2026

Nos schef da material Marco ha miss insembel ün plan da trar. A man da quel stuves esser per tuots cler, cur chi's das-cha trar ils exercizis aint in Arduond. Il plan es publichà sün la pagina dad internet da la società.

11. Orientaziuns e varia

Nos guardgiasulvaschina Guolf infuormescha la radunanza sur da differentas robas:

- per exaimpel sur da la situaziun actuala dals lufs
- chi saja ün uors in cuntuorns da Zernez/Susch
- cha l'orbera es quietta
- cha vuolps inpustüt in Val Müstair/Ardez sajan infizadas cun malatias (tigna)
- dombraziun da tschiervis

Co ultim vain fat la dumonda, schi füss pussibel eir pro nus dad ir a chatscha da tass da not. Guolf da üna resposta negativa, cha pro nus nu daja amo usche blers tass chi fan gronds dons.

Fin da la radunanza: 21:15h

Approvà als schner 2027

Il president

L'actuar

Noldi Menig

Gian Thom